

**AWDURDOD TÂN AC ACHUB GOGLEDD CYMRU**  
**Y PANEL GWEITHREDOL**

Cofnodion **Panel Gweithredol** Awdurdod Tân ac Achub Gogledd Cymru a gynhaliwyd ddydd Llun 18 Mawrth 2024 yn rhithwir dros Zoom. Dechreuodd y cyfarfod am 14.00 o'r gloch.

**Cynghorydd**

Y Cyng. Dylan Rees (Cadeirydd)  
Y Cyng. Paul Cunningham (Dirprwy Gadeirydd)  
Y Cyng. Carol Beard  
Y Cyng. Chrissy Gee  
Y Cyng. Alan Hughes (gadawodd 14:50)  
Y Cyng. Chris Hughes (o 14:23 ymlaen)  
Y Cyng. John Ifan Jones  
Y Cyng. Rondo Roberts  
Y Cyng. Paul Rogers  
Y Cyng. Gareth Sandilands (o 14:36 ymlaen)  
Y Cyng. Rob Triggs

**Yn Cynrychioli**

Cyngor Sir Ynys Môn  
Cyngor Sir y Fflint  
Cyngor Bwrdeistref Sirol Conwy  
Cyngor Sir y Fflint  
Cyngor Sir Ddinbych  
Cyngor Bwrdeistref Sirol Conwy  
Cyngor Sir Ynys Môn  
Cyngor Sir Wrecsam  
Cyngor Sir Wrecsam  
Cyngor Sir Ddinbych  
Cyngor Gwynedd

**Hefyd yn bresennol:**

Dawn Docx  
Stewart Forshaw  
Helen MacArthur  
Justin Evans  
Dafydd Edwards  
Tracey Williams  
Gareth Owens  
George Jones  
Lisa Allington

Prif Swyddog Tân  
Dirprwy Brif Swyddog Tân  
Prif Swyddog Tân Cynorthwyol  
Prif Swyddog Tân Cynorthwyol  
Trysorydd  
Pennaeth Cyfathrebu Corfforaethol  
Clerc a Swyddog Monitro  
Atebol - Cyfieithydd  
Cynorthwydd Gweithredol

**1 YMDDIHEURIADAU**

**Cynghorydd**

Y Cyng. Gareth A Roberts  
Y Cyng. Dale Selvester

**Yn Cynrychioli**

Cyngor Gwynedd  
Cyngor Sir y Fflint

**ABSENNOL**

**Cynghorydd**

**Yn Cynrychioli**

Cafwyd adroddiad gan y PST Docx ar ddigwyddiadau'r mis diwethaf o ran yr agweddau diwylliannol sy'n gysylltiedig â'r sector.

Nododd y PST fod y Dirprwy Weinidog Partneriaeth Gymdeithasol, Hannah Blythyn, ar 26 Chwefror, wedi cyhoeddi bod Gwasanaeth Tân ac Achub De Cymru yn destun ymyrraeth ar yr ystyr bod yr Awdurdod Tân wedi'i ddiddymu ac y byddai Comisiynwyr yn cael eu cyflwyno gan Lywodraeth Cymru gyda chylch gwaith i wella'r diwylliant. Roedd hefyd angen penodi Prif Swyddog Tân dros dro.

Yn syth ar ôl y cyhoeddiad hwnnw, cysylltodd Dan Stephens, Prif Gynghorydd Tân ac Achub Cymru, â Gwasanaeth Tân ac Achub Gogledd Cymru a Gwasanaeth Tân ac Achub Canolbarth a Gorllewin Cymru er mwyn canfod a oedd unrhyw uwch swyddogion a allai fod â diddordeb i ymgymryd â rôl Prif Swyddog Tân Dros Dro Gwasanaeth Tân ac Achub De Cymru, gan weithio o dan y comisiynwyr. Mynegodd y PSTC Stuart Millington ddiddordeb yn y rôl ac fe'i penodwyd wedi hynny. Yn GTAGC, mae Justin Evans wedi'i benodi i swydd wag y Prif Swyddog Tân Cynorthwyol dros gyfnod secondiad Stuart Millington.

Ym mis Mawrth, datblygwyd cynigion ar y cyd rhwng y Gwasanaeth a GTACGC ar gyfer goruchwyliaeth annibynnol o gynnydd GTAGC a GTACGC o ran y diwygiadau diwylliannol a'u rhoi i'r Dirprwy Weinidog. Roedd y cynnig hwn yn cynnwys asesu'r sefyllfa a'r cynnydd yn erbyn canfyddiadau adolygiadau eraill yn y sector gan gynnwys Gwasanaeth Tân ac Achub De Cymru, a sicrhau bod blaenoriaethau'n cael eu nodi er mwyn cymryd camau pellach. Y bwriad ar hyn o bryd yw defnyddio'r un adolygydd ar gyfer GTAGC a GTACGC.

Cyflwynodd y Dirprwy Weinidog ddatganiad wedi hyn yn dweud y byddai hyn yn digwydd; fodd bynnag, byddai angen i'r gwasanaethau dan sylw ddarparu'r cyllid a gallai hynny gostio hyd at £0.5m.

Ochr yn ochr â hyn, roedd ITV Cymru wedi bod yn rhedeg stori ynglŷn â chŵynion honedig o fewn y Gwasanaeth. Cadarnhaodd y PST fod unrhyw aelod o staff sy'n cael profiad o ymddygiad gwael yn destun pryder iddi ac mae wedi estyn allan at gydweithwyr ac wedi'u hannog i roi gwybod am unrhyw achos o ymddygiad gwael.

Ar 11 Mawrth, rhoddodd y Cadeirydd a'r PST dystiolaeth i'r Fforwm Cydraddoldeb a Phartneriaeth Gymdeithasol yn y Senedd yng Nghaerdydd.

Gofynnodd un Aelod pam nad oedd cyllid yn cael ei ddarparu gan Lywodraeth Cymru. Nododd y Cadeirydd nad oedd yr adolygiad yn cael ei arwain gan CB ac felly mae'n debygol y bydd y gost yn llai na'r £500,000 sydd wedi'i amcangyfrif.

## **2.0 DATGANIADAU O FUDDIANT**

2.1 Nid oedd datganiadau o fuddiant i'w cofnodi.

## **3.0 HYSBYSIAD O FATERION BRYD**

3.1 Nid oedd hysbysiad o faterion bryd.

## **4.0 COFNODION Y CYFARFOD A GYNHALIWDYD AR 18 RHAGFYR 2023**

4.1 Cyflwynwyd cofnodion y cyfarfod a gynhaliwyd ar 18 Rhagfyr 2023 i'w cymeradwyo.

## **4.2 PENDERFYNWYD:**

- i) cymeradwyo bod y cofnodion yn gofnod gwir a chywir o'r cyfarfod a gynhaliwyd.**

## **5.0 MATERION YN CODI**

- 5.1 Nododd y Trysorydd fod y cyfarfod diwethaf wedi gosod y gyllideb ac ar yr adeg honno, roedd ansicrwydd ynglŷn â chyllid ar gyfer y pensiynau. Roedd wedi teithio i Gaerdydd dros y penwythnos ac wedi cael gwybod y byddai Llywodraeth y DU yn rhoi cyllid i Lywodraeth Cymru er mwyn cynnig cefnogaeth gyda'r cynnydd yng nghostau pensiynau, er nad oedd swm y cyllid a fyddai'n cael ei dderbyn yn hysbys eto.
- 5.2 Nododd y Cadeirydd baragraff 7.3 a oedd yn cyfeirio at lefelau absenoldeb salwch a gofynnodd a oedd system wedi'i rhoi ar waith i fonitro'r rhain yn erbyn Gwasanaethau Tân ac Achub eraill tebyg o ran maint. Dywedwyd bod y data hwn bellach wedi'i gynnwys yn yr Adroddiad Monitro Perfformiad, ond ar sail Genedlaethol. Gwnaed cais gan y Cadeirydd i ofyn am arweiniad Archwilio Cymru yn y maes hwn ac iddo gael ei adrodd i gyfarfod yn y dyfodol.

## **6.0 CYNLLUN RHEOLI RISG CYMUNEDOL 2024-29 A CHYNLLUN GWEITHREDU RHEOLI RISG CYMUNEDOL 2024-25**

- 6.1 Cyflwynodd y DBST Forshaw y Cynllun Rheoli Risg Cymunedol 2024-29 ac adroddiad y Cynllun Gweithredu Rheoli Risg Cymunedol 2024-25 er mwyn cyflwyno'r Cynllun Rheoli Risg Cymunedol ar gyfer y cyfnod o bum mlynedd 2024 i 2029 a'r Cynllun Gweithredu Rheoli Risg Cymunedol ar gyfer 2024-25 i Aelodau Awdurdod Tân ac Achub Gogledd Cymru (yr Awdurdod), a cheisio cymeradwyaeth i ymgynghori â'r cyhoedd ar ein cynlluniau blwyddyn a phum mlynedd arfaethedig.
- 6.2 Gwnaed cais gan un Aelod, ar ôl i'r cynllun hwn gael ei gymeradwyo, iddo ddod yn rhan o arferion busnes arferol er mwyn iddo gael ei ymgorffori'n llawn.

## **6.3 PENDERFYNWYD:**

- i) Nodi cynnwys yr adroddiad; a**
- ii) Chymeradwyo'r Cynllun Rheoli Risg Cymunedol drafft 2024-29 a'r Cynllun Gweithredu Rheoli Risg Cymunedol 2024-25 ar gyfer ymgynghori ag Aelodau'r Awdurdod, staff, rhanddeiliaid perthnasol a'r cyhoedd cyn eu cymeradwyo mewn cyfarfod llawn o'r Awdurdod ym mis Gorffennaf 2024.**

## **7.0 ADRODDIAD MONITRO PERFFORMIAD CH3, 23-24**

- 7.1 Cyflwynodd y Rheolwr Ardal Anthony Jones yr Adroddiad Monitro Perfformiad ar gyfer Chwarter 3, 23/24 a oedd yn rhoi gwybodaeth am weithgarwch digwyddiadau yn ystod tri chwarter cyntaf blwyddyn ariannol 2023/24, perfformiad mewn perthynas ag amcanion gwella a llesiant yr Awdurdod, a gweithgarwch digwyddiadau nodedig eraill.
- 7.2 Gofynnodd un Aelod beth allai fod yn achosi'r cynnydd yn y digwyddiadau yng Ngharchar y Berwyn, a chafwyd yr ymateb eu bod yn ymwneud â thanau bwriadol. Roedd hyn yn debygol o fod oherwydd y cynnydd ym mhoblogaeth y carchar gan ei fod bron iawn yn llawn; fodd bynnag, mae Uwch Ymgynghorydd Iechyd, Diogelwch a Thanau newydd bellach wedi cychwyn yn ei swydd yn y carchar ac mae cysylltiadau'n cael eu gwneud gyda nhw er mwyn gwella gwaith atal yn y maes hwnnw.
- 7.3 Gofynnodd un Aelod a fu unrhyw gynnydd yn y niferoedd o ran recriwtio diffoddwyr tân ar alwad a chafwyd yr ymateb nad oedd yr wybodaeth hon wrth law; fodd bynnag, byddai'r wybodaeth yn cael ei chanfod a'i chyhoeddi yn dilyn y cyfarfod. Cadarnhawyd y bu cynnydd net ar draws y Gwasanaeth, a hynny'n ychwanegol at y rhai oedd yn cymryd lle'r rheiny a gollwyd yn naturiol ac yr oedd y Gwasanaeth eisoes yn ymwybodol ohonynt.
- 7.4 Gofynnodd y Cadeirydd am ddadansoddiad o argaeledd dyddiol y system dyletswydd ar alwad ar draws y Gwasanaeth i'w roi i'r Aelodau er mwyn iddynt allu asesu effeithiolrwydd darpariaeth y system. Cadarnhawyd y byddai hyn yn cael ei ddarparu.

## **7.5 PENDERFYNWYD:**

- i) Bod yr Aelodau'n nodi cynnwys yr adroddiad monitro perfformiad.**

## **8.0 STRATEGAETH CYDRADDOLDEB, AMRYWIAETH A CHYNHWYSIANT DDRAFFT 2024-29**

- 8.1 Cyflwynodd y PSTC Justin Evans bapur y Strategaeth Cydraddoldeb, Amrywiaeth a Chynhwysiant Ddrafft 2024-29 a oedd yn rhoi manylion i'r Aelodau am ymrwymadau'r Gwasanaeth sy'n ymwneud â chydraddoldeb, amrywiaeth a chynhwysiant, ac yn nodi cynigion ar sut i'w cyflawni.
- 8.2 Cadarnhawyd bod nifer o Aelodau wedi datgan eu diddordeb i ddod yn Hyrwyddwr Cydraddoldeb, Amrywiaeth a Chynhwysiant, a byddai enw'r enwebai llwyddiannus yn cael ei gyhoeddi'n fuan.
- 8.3 Gofynnodd un Aelod a oedd yr Undebau wedi bod yn rhan o'r gwaith o lunio'r strategaeth a chadarnhawyd eu bod wedi bod yn rhan o'r gwaith hwnnw, drwy gyfarfodydd rheolaidd y Pwyllgor Cydraddoldeb, Amrywiaeth a Chynhwysiant.

#### **8.4 PENDERFYNWYD:**

- i) nodi cynnwys yr adroddiad; a
- ii) **Chymeradwyo'r Strategaeth Cydraddoldeb, Amrywiaeth a Chynhwysiant ddrafft ar gyfer ymgynghori ag Aelodau'r Awdurdod Tân, staff a rhanddeiliaid perthnasol cyn ei chymeradwyo yng nghyfarfod yr Awdurdod Tân ym mis Ebrill 2024.**

#### **9.0 DATGANIAD POLISI TÂL**

- 9.1 Cyflwynodd y PSTC MacArthur y papur Datganiad Polisi Tâl er mwyn hysbysu'r Aelodau o'u cyfrifoldebau yn deillio o Ddeddf Lleoliaeth 2011 (y Ddeddf).
- 9.2 Dywedwyd wrth yr aelodau bod hon yn ddogfen flynyddol yr oedd angen ei chyhoeddi bob blwyddyn.

#### **9.3 PENDERFYNWYD:**

- i) **nodi gofynion Deddf Lleoliaeth 2011; a chymeradwyo'r Datganiad Polisi Tâl ar gyfer blwyddyn ariannol 2024/25.**

#### **10 MATERION BRYD**

- 10.1 Nid oedd materion brys i'w codi.

Daeth y cyfarfod i ben am: 14:53.